

supra mare illis significat, & eodem plane sensu Græce *Απρωσιβιδος* vocat Strabo.

Bauchada. Diocletiano imperante, tumultum rusticani in Gallia concitarunt, factionique suæ *Bauchadatum* nomen imposuerunt, & *Beichiad* Britannis subulci, rusticique nominantur.

Varga. Indigenas latrunculos *Vargarum* nomine Galli inquit Sidonius nuncuparunt, & latrones Britannice *Veriad* olim dictos fuisse in Glossario Ecclesiæ Landavenfis inveni.

Allobroges. Ideo dicti sunt *Allobroges*, inquit vetus ille & egregius Iuvenalis Scholiastes, quoniam *Brogæ* Galli agrum dicunt, *Alla* autem aliud. Dicti igitur quia ex alio loco translati. At *Bro* regio, & *Allan* extra, vel externum est Britannis, ut Etymologia in utraque lingua optime constet.

Glastrum. Simile Plantagini *Glastrum* in Gallia vocatur, inquit Plinius, quo Britannos se infecisse testantur scriptores. Hæc herba est quam *Woad* dicimus, & caruleum efficit colorem, qui color hodie Britannis *Glas* appellatur, *Ifatis* hæc fuit Græcis, ut Plinius, & infectoribus *Vitrum*, ut author est Oribasius. Vnde Pomponius Mela facile emendetur si *Vitro* reponas pro *Vltro*, ubi ille Britanni incertum ob decorem, an ob quid aliud *Vltro* corpora infecti.

Coccum. Gallathæ quibus eadem lingua cum Gallis veteribus (teste Beato Hieronymo) fruticem parvum habuerunt *Coccum*, ex quo coccineus ille rubens color efficiebatur, & hunc ipsum colorem *Coch* vocitant Britanni.

Brache. Brachas communes fuisse Gallorum & Britannorum vestes ante docuimus, vestes intonsas varique coloris Diodorus Siculus vocat: vestes autem squallidas & laceras *Brati* nunc Britanni apellant.

Lainc. Si *Laina* vox fuit Gallica, quod indicare videtur Strabo cum scribit, *Ex lana densa saga texunt Galli, quas Lainas vocant*: non longe ab ea abierunt Britanni, qui Lanam sua lingua *Glaſſon* apellant.

Bardus. *Bardum* Gallice Cantorem significare author est Festus Pompejus, & hoc purum est Britannicum.

Bardocucullus. *Bardocucullum* Bardorum Gallicorum fuisse ex Martiale, & aliis docemur: ut vero *Bard*, sic etiam altera verbi pars integra Britannis manet, quibus pallium *Cucul* dicitur.

Brance. *Gallie*, inquit Plinius, suum genus farris dedere, quod illi *Brance* vocant, apud nos *sandalum nitidissimi generis*. Apud Britannos item candidissimi grani far, *Guineth* vran nominatur, & in Norfolcia apud nos *Brank*.

Pempedula. Quæ Græcis *Pentaphyllon* à quinque foliis, *Pempedulam* Gallis dictam docet Apulejus. *Pymp* autem Britannis, quinque, & *Deilen* folium denotat.

Petorium. Ut *Pymp*, quinque, sic *Petor* quatuor, Gallis designasse è Festo dicimus, qui *Petorium* Gallicum fuisse vehiculum à quatuor rotis sic dictum tradit, & vox *Pedwar* Britannis quatuor significat.

Guvia. Inter instrumenta lignaria Canterium quod Anglis *A Leaver*, *Guviam* Gallice dictum scribit Isidorus, & nunc *Gwif* Britannice dicitur.

Betulla. *Betullam* quam nos *Birch* vocamus, Gallicam arborem vocat Plinius. Britannicam etiam jam vocaret: in Britannia enim lætissime provenit, & *Bedw* Britannice nominatur.

Merum cui aqua affusa, ut est apud Athenæum, *Dercoma* nuncuparunt Galli, & *Dwr* Britannis *Dercoma* aquam denotat.

Sic, ne omnia confectet, apud Dioscoridem, quæ Latinis Filix, Gallis præcis *Ratis*, Britannis *Redin*. Quæ Latinis Sambucus, Gallis *Scovies*, Britannis *Iscaſſ*. Quæ Italis *Serratula*, Gallis *Vetonica*, Britannis & nobis *Betany*. Quæ apud Plinium Latinis terræ adeps, Gallis *Marga*, Britannis *Margale*. Quæ Latinis candida *Marga*, Gallis *Glifcomar-ga*, Britannis *Gluyſmarl* dici potuit. *Gluyſ* enim illis splendidum sonat. Quæ Latinis *Sellula* tripes, Gallis *Tripetia* apud Sulpitium Severum, Britannis *Tribet*. Quod Latinis centum pedes, Gallis *Candetum* apud Columellam, Britannis *Cantroed*. Quod Latinis avis rostrum, Gallis apud Suetonium *Becco*, Britannis *Pic*.

Nec Goropii insaniam infanirem, si revocarem *Galbam* Suetonii pro præpingui, ad *Galluus* Britannicum, quod prægrandem significat. *Bulgam* Verrii Flacci pro sacco scorteo, ad *Butſiet* Britannicum, *Soldurios* Cæsaris pro devotis hominibus ad *Sowdixr*. *Planarat* Plinii, pro aratro ad *Arat*, quod aratrum significat. *Taxeam* Isidori pro lardo ad *Tew*. *Zibum* Diodori Siculi ad *Sider*. *Cervisiam* ad *Keirch*, id est, avenam, è qua potum illum Britanni multis in locis conficiunt, vel potius ad *Cwrſſ*, id est, quam *Alam* dicimus.

Hæc omnia Gallorum veterum fuisse verba, ex authoribus illis constat, & vides quam apposite & sono, & sensu cum nostris Britannicis conveniant, & quasi concinant.

Huc accedit, quod cum locorum nomina antiqua apud utramque gentem eadem terminatione clauderentur, scilicet in *Duno*, *Briva*, *Rito*, *Duro*, *Mago*, &c. has gentes minime diversas fuisse colligi possit. Equidem vel hinc argumentum non leve arripi potest nos Anglos à Germanis ortos esse, quod recentiora opidorum nomina definant in *Burrow*, *Berry*, *Ham*, *Sted*, *Ford*, *Thorp*, & *Wich*, quæ Germanorum terminationibus *Burg*, *Berg*, *Heim*, *Stadt*, *Furdt*, *Dorpe*, *Wic*, pariter æqualiterque respondent.

Vicissim nominum quorundam Gallicorum ratio ita commode possit ex Britannica nostra lingua reddi, consentiente rei natura, ut vel à Britannis imposita, vel Britannos Gallice loquutos fuisse necessario fateamur. Sed sufficiat unum & alterum in medium adferre.

Tertiam Gallie partem incolunt, inquit Cæsar, qui ipsorum lingua *Celta*, nostra Galli appellantur, à Græcis vero *Gallathæ*. Vnde autem *Celta* & *Gallathæ* dicti fuerint eruditissimi Galli nondum dixerint, sed viderint an non à Britannica dictione *Guat* quæ Britannis etiamnum comam denotat, & *Guatroc* Comata, unde *Celtica* & *Gallathæ* & Galli varia elatione emollita videatur. *Celtas* vero Comatos dictos fuisse à promissis comis quas studiose aluerint, in confesso est apud omnes eruditos; & C. K. Q. G. à vi & soni indole quomodo discrimines?

Nobilissimum Gallie flumen *Garumnam* torrentius, & quasi exasperatis undis ferri notissimum est, unde Poëtis *Validus* *Garumna*, *Æquoreus*, *Rapidus*; & hoc *Garrw* Britannice designat.

Flumen *Arar* incredibili lenitate fluit, ita ut oculis

Dercoma.

Ratis.

Scovies.

Vetonica.

Marga.

Glifcomar-

ga.

Tripetia.

Candetum.

Becco.

Galba.

Bulga.

Soldurii.

Planarat.

Taxeam.

Zibum.

Cervisia.

Ala potus.

Nominum
locorum
terminationes.

Celta.

Lipsius p.

66 de pro-

nunciatio-

ne.

Garumna.

Arar.